КОРРУПЦИЯ

давлатга ҳам, жамиятга ҳам зиён етказади

Менда иккита йўл бор эди: биринчиси – ўғирлаш ҳамда дўстларим ва қариндошларимни «Forbes» рўйхатига киритиш, бу билан халқимни қуп-қуруқ ер устида қолдириш, иккинчиси – халқимга хизмат қилиш ва мамлакатни дунёнинг энг яхши мамлакатлари ўнталигига киритиш. Мен иккинчисини танладим...

Ли Куан Ю, Сингапурнинг биринчи Бош вазири



Коррупция — турли ҳаракатларни қамраб олувчи ўзига хос механизмга эга жиноят. Бунда бир томон — коррупционер, яъни хизматда бўлган шахс ноқонуний равишда ўз ваколат ва вазифаларини жисмоний ва юридик шахсларга «сотади». Иккинчи томон — корруптер, яъни «сотиб олувчи» ўз мақсади (мисол учун, имтиёзга эга бўлиш, жамоат назоратидан ёки қонунда белгиланган жавобгарликдан озод бўлиш) йўлида коррупционер такдим этган имкониятдан фойдаланади. Уларнинг ортида эса коррупцияни ташкил қилувчи шахс — коррумпатор туради.

Коррупциянинг мухим специфик хусусияти коррупциявий қилмишлар субъектларининг ўзига хослигидан иборат. Яъни қилмишнинг бир томонида мансабдорлар ёки бошқа хизматчилар, иккинчи томонда эса ҳар қандай жисмоний ва юридик шахс бўлиши мумкин.

Кўплаб олимларнинг фикрича, коррупцияга қарши курашда коррупцион муносабатларнинг субъектларини аниқлаш масаласига илмий асосланган ҳолда ёндашиш лозим. Масалан, коррупционер ва корруптердан таш-

қари ижрочилар, ташкилотчилар, ёрдамчилар ва қизиқтирувчи шахслар ҳам жиноят субъекти бўлиши мумкин.

Коррупционерларнинг шахсияти тўгрисидаги маълумотлар ҳар бир конкрет ҳолат бўйича коррупцион алоқалар сабабини аниқлаш имконини беради. Тадқиқотчиларнинг фикрича, инсонни ҳар ҳандай ҳаракатта ундовчи сабаб унинг ижтимоий аҳволидан келиб чиҳадиган шахсий ҳусусиятларига боглиҳ бўлади. Психологлар эса кўпчилик инсонларда виждоннинг ўз нархи бўлишини таъкидлашади. Масалан, АҚШ президенти Авраам Линкольн ўз даврининг энг виждонли одамларидан деб тан олинган ва унга жуда катта пора таклиф ҳилган кишини ўз кабинетидан улоҳтириб ташлаган. Ундан нега ўзини бунчалих ҳўпол туттани ҳаҳида сўрашганда, «Ҳар кимнинг ўз нархи бор, у эса меникига яҳинлашиб ҳолган эди» деган экан.

Мансабдорларнинг адолатсизлиги, маънавий бузуклик ва соткинликка мойиллик коррупцион жиноятларнинг белгилари бўлиши мумкин.

Коррупционернинг оддий жиноятчидан, оддий ўгридан нима фарқи бор? Биринчидан, унинг касбий билимлари бор, иккинчидан, у муайян ваколатга, ҳокимиятга эга. Бу эса жиноятнинг ижтимоий хавфини янада кучайтиради.

Коррупционернинг яна бир хусусияти — иккиюзламачиликдир. Яъни унга давлат ва жамият ишонч билдириши учун ўзининг барча ижобий томонларини кўрсата олади, тартибли зиёли ролини ўйнаб беради.

Коррупцион жиноятлар субъектлари протекционизм принципини кўпроқ қўллайди, яъни ўз қариндош-уруғи

ва таниш-билишлари — одамларни бошқаришга ноқобил шахсларни давлат ҳокимияти структурасига киритади. Улар эса ўз камчиликларини ходимларига нисбатан қўпол ва менсимай муносабат билдириш билан ёпишга ҳаракат қилишади. Уларга қуйи бўгиндаги раҳбар ва ходимлар тақлид қилади. Бу эса давлат бошқарувидан ташқари жамиятнинг ҳам хулқ-атворини буза бошлайди.

Давлат структурасида ишлаган ва кўплаб коррупцион холатларнинг гувохи бўлган халол ва виждонли ходимларнинг фикрича, кўплар бундай жиноят содир этилаётганини билган ёки гумон қилган бўлса-да, ваколатли органларга хабар бермайди.

Бунинг бир қатор сабаблари бор:

- 1) одатда коррупцион жиноятнинг белгилари кўринади, бироқ қилмиш жиноятга тортадими, йўқми, аниқ бўлмайди:
- 2) кўплаб гувохлар ўз ишидан айрилиб қолишдан ёки таъқиб қилинишидан қўрқади, айниқса, хизмат юзасидан жиноятчига тобе бўлса;
- 3) кўпчилик ишхонадаги қонунбузилиш холатлари хакида бошқаларга маълумот етказиш «сотқинлик» эканига ишонади;
- 4) айрим ходимлар ёки фукаролар ўша идора ёки ташкилотдаги холат бир кунмас-бир кун «портлашини» кутиб туради, бу борадаги гумонларини айтишга шошилмайди.

Коррупциядан давлат ҳам, жамият ҳам катта зарар кўради. Лекин унинг энг аламли қурбони — мансабдорлардан таниш-билиши, қариндош-уруғи бўлмаган оддий халқдир.

Коррупция қандай оқибатларга олиб келиши мумкин?

Коррупция давлатнинг конституциявий асосларини емиради, фуқароларнинг хукуқ ва эркинликлари бузилишига олиб келади. Бундан ташқари:

- давлат иқтисодиётига жиддий зиён етказади;
- ҳалол меҳнат билан кун кечираётган кишиларга маънавий зарар етказади;
- халқ ва давлат органлари ўртасида ишончсизликни юзага келтиради;
- аҳолининг салоҳиятли қисми (зиёлилар, илм-фан намояндалари, тиббиёт ходимлари кабилар) мамла-катдан чиқиб кетади;
- солик, божхона, молия ва бошка шу каби мухим сохалардаги коррупция мамлакат иктисодиёти баркарорлигига салбий таъсир кўрсатиб, муайян гурухдаги шахсларнинг ноконуний бойишига олиб келади.

Криминолог олимлар ва мутахассисларнинг фикрича, тўпланган тажриба асосида республикамизда коррупцияга қарши қуйидаги чора-тадбирларни амалга ошириш мақсадга мувофиқ:

1) Хуқуқ ижодкорлиги сохасида:

- ҳозирга қадар қабул қилинган ва амалда бўлган норматив ҳужжатларни коррупцияга қарши экспертизадан ўтказилишини таъминлаш;
- қонунчиликнинг ҳар бир соҳасида коррупцияни олдини олиш юзасидан тегишли ўзгартириш ва қўшимчалар киритиш;
- «Давлат хизмати ва хизматчилари тўгрисида»ги конунни қабул қилиш.

2) Давлат хизматчилари ва мансабдорлар фаолиятини такомиллаштириш сохасида:

- қарор қабул қилиш ва масалаларни ҳал этишда аниқ масъулларни белгилаш;
- мансабдорларнинг хизмат фаолиятини хуқуқий жихатдан аник ва қатъий белгилаб күйиш;
 - мехнат ва лавозимига лойиқ иш ҳақи бериш;
- кадрларни танлаш ва лавозимини оширишнинг аник мезонларини жорий этиш;
- давлат хизматчилари ва мансабдорларнинг даромад ва харажатларини назорат қилиш тизимини йўлга қўйиш зарур.

3) Коррупцияга қарши курашиш самарадорлигини ошириш соҳасида:

- коррупцияга қарши курашадиган шахсларнинг хавфсизлигини таъминлаш;
- ҳуқуқни муҳофаза қилувчи органлар ҳамкорлигини такомиллаштириш;
- коррупцион жиноятчилик марказига айланган жойларни тула «тозалаш»;
- соҳада оммавий ахборот воситалари ва фуҳаролик жамияти институтларига кенг йўл очиб бериш лозим.

Коррупцияга қарши курашиш ва дунё бўйича коррупция даражасини тадқиқ этиш билан шуғулланувчи «Transparency International» ташкилотининг 2016 йилда эълон қилинган маълумотларига кўра, Ўзбекистон Камбоджа, Конго билан бирга 156-ўринни банд этган, кучли ўнликдан эса Дания, Янги Зеландия, Финландия, Швеция, Швейцария, Норвегия, Сингапур, Нидерландия, Канада ва Германия ўрин олган. Уларнинг орасида ягона Осиё давлати бўлмиш Сингапур тажрибасини кўриб чиксак, у ерда хам 1970 йилгача, яъни хукумат тепасига Ли Куан Ю келгунига қадар коррупциянинг хамма кўринишлари авж олган эди. Ли Куан Ю мамлакатда коррупцияга қарши кураш бошлаганини эълон қилганида халқ орасида бу сўзларга ишонмасдан, «қандай курашиш мумкин, ҳаммаёқ коррупцияга тўлиб кетган-ку?» дея кулганлар хам бўлган экан.

Хулоса қилиш мумкинки, коррупцияга қарши астойдил курашилса, қонунчиликдаги «бўшлиқ»ларга барҳам берилса, бу иллатдан қутулиш мумкин.

Саходулла ШОМИРЗАЕВ,

Олий ҳарбий божхона институти катта ўқитувчиси, божхона хизмати майори